

中国边疆研究资料文库·边疆史地文献初编

東北邊疆

第二輯

中国边疆研究资料文库·边疆史地文献初编

東北邊疆

第二輯

吉林形勢

義烏朱一新著

吉林之輝春與俄連界去俄屬海參威中兵之地計海道不及五百里北去俄屬伯利屯兵之地

黑龍江之口亦曰伯都訥
無定字也俄名喀巴達浦
亦不及千里耳
俄國與俄人定界後
三省無邊警者垂二百年
吉林

因無所謂邊防也咸豐八年十一月兩次定界粵地數千里而黑龍江之向以安巴格爾必齊河爲界者

蘇里江圖門 上爲界故吉省以望春爲承慶東距省城量千餘里圖門理春皆見金史世紀圖門舊作統

魚尾潭在城東南六百里源出通梁山會諸心三水西南流入圖合們江爲蘇里河北流盛入黑龍江金史本

黑龍江城爲重鎮南距

將軍所駐之齊齊哈爾城即卜魁城將軍向駐愛軍康熙三十二年亦僅千餘里俄人移其所謂噶嚕林

者駐於伯利西距我黑龍江城即愛琿或作艾琿亦作艾虎不及五百里其阿穆爾省大酋所駐之海蘭泡南去我黑

龍江城僅百餘里耳金時海關路置總管府舊作合順又作孩孃皆乾隆時譚元置海蘭河

地名無河人可流
民攷入疑海
救居元時
聖車海
吳蘭
萬路
府皆與今
五今海
分縣之
重渠
渠之
南比元
北史
地哈
里河
志者
云不
成同
郭蘭
縣府
在水
草海
居蘭
以水
達明
村達
堡等
爲路
土
率抑

元史所云即打牲部之舊地有軌刺爾海所屬泡子地在今海州府城所轄之黑龍江外呼倫貝爾

遼史聖宗紀太平四年詔改鴨子河曰混同江契丹國志又謂太宗時改名鴨子河亦松花江之異名也

唐書作我復欲告藏路於諸春則不出幸用可出幸路幸其國常矣諱門百真明并界我地我案外

河口者曰海參威○盛京通志綏芬河在古塔東南四百四十里入圖們江案○國初李爲綏芬路圖

俄御得此地後屯重兵築轍臺通商招墾濠戍巨鎮迤北如嚴許河雙城子等處皆設官置戍期漸與伯

卜子靈寶真也變少

吉林形势

卜丁丑其也變少

蘇東坡句 王氏書

利聲勢聯絡以窺我吉林朝鮮

滿洲源流攷引元一統志自南京而南曰海府及南曰雙城復引明史

雙城縣遼寧州在今鐵嶺與此異地故俄之有海參崴猶英之有新加坡也英得新加坡而經營之南

洋遂以多事俄得海參崴而經營之北洋亦漸起風波今且欲勾結朝鮮以爲屬國朝鮮有事則旅順危

北洋之門戶也鐵路若成則黑龍江與內外蒙古均將疲於奔命○京師之藩籬也俄地既廣而北負冰

洋無虞後路遂日以蠶食爲事歐洲諸國常視俄爲輕重德與法戰必先結俄今俄德之交漸離則法益

親俄以圖報復俄覬歐地而苦無隙可乘也亦樂挑諸國使自鬪而坐收漁人之利其國勢本注重歐洲

故久思滅土耳其據歐洲之腰膂以求逞其大欲英法諸國出而救土俄既不得志於西則思啟其東封

莫之粒土爲自救計也然俄轍既東印度仍當其衝中國亦受其敝二百年來俄未與中國寒盟蓋地勢

阻之今吉黑邊境既爲所割浩罕鄰封又爲所併東西萬餘里在在與之接界其首衝在新疆其次即在

吉林而吉林實爲根本重地故東三省之綢繆不可緩者此也至於中俄交涉山川形勢卡倫鄂博諸制

則○盛京通志海國圖志朔方備乘諸書具載之

東遊日記

東遊日記一

渦陽袁大化隨筆

偵探黑河俄情日記 另有圖說

光緒七年二月二十八日由巴彥通坐三馬扒犁順松花江而下
已刻過烏風河口冰上流水盈尺衆皆駭之御者曰毋畏水流
冰上其底實而堅也卒渡至暮宿大瓦台去巴彥通大營三十
里已見有父坐子立婦女款賓之禮

二十九日傍江北岸行三十里至朱簾十里至山彥窩坑日已未
初食畢渡江東行二十里至木什吐台宿憶初渡江時冰面流
水盈尺中裂二丈許繞折而過冰動水盪餘驚猶在心目查視
山彥窩坑西南沃野萬頃南臨松江北泊湯河衆水會流關鎖

甚嚴北距興安嶺約二三十里南岸卽窩坑磬子以此建城頗有金湯之固若安營立寨以備強鄰東面須多植樹木長牆以避火礮北於湯河西岸山分扎營卡防賊偷渡西磬子下置浮沈木排及水雷等攻船之具再於對岸活龍溝西山背江而營以顧東岸旱道策應湯汪河口後路則敵當無隙可乘矣

三十日早過活龍溝二十五里傲氣屯迤西檀家兩山環抱於後而大江曲流於前北岸則萬重深山盤結而下洵陰陽會萃之區可立州縣城又五里東傲氣十里戈吉勒夫台有高麗古城水陸皆經其地可置卡倫備巡警又二十里瞬牛哈屯尖午冰雪水盈尺又十二里竹板宿婦女奉客殷殷如童僕純謹惜乎

禮教則未也

三月初一日早行二十里至蒙戈力於此順江而下盤繞於柳條

通間

東人謂
洲爲通

往復迴曲瞻之在前者忽焉如在其後細柳長條

有高至三丈餘者東西一覽滿目荒榛至暮宿於蘇蘇屯此下
卽赫哲人族矣是日計行八十里

初二日辰起順道經文城口霍爾戈河而麻苦梨山以北瓦里和
吞古山城在其右有洞可遊眺焉北岸則烏通河西高麗故城
周二十餘里基址猶存自是以北荒烟蔓草一片蒼涼矣是日
行四十里宿於瓦里和吞憶自蒙古力以下皆赫哲種落夜置
粟米於道窮民至家無隔宿糧皆顧而不知取有因知者爭送

雞鴨狗腿賞給錢米彼則愕然以意未得伸也樸誠若斯洵太古之民知識未開果有賢者休養而生聚之田里學校古法盡行必世而後當臻三代之美惜三姓旗官往來其地使若犬馬剝削無己與俄之虐我民者無異也然一經棄我投俄則俄又視之若赤子是以虐之者收之也至於岐封天潢之胄與國同休戚者何亦爲俄驅民如是耶此之謂失其本心自湯汪河至黑河口沿江北岸東西長七百餘里荒無人烟南北截長補短寬約百里足容十數萬家夏月草深高與人齊棄之如遺未免可惜申時乘馬登瓦里和吞山城城以山爲基高五六丈許東西長五百步南北二百步有奇中界爲三或後有因壘於城者

荒榛刺目古木森天四面雪水流聲潺潺於是繫馬林下裂衣而進縱步以週觀其形勢則長江千里之氣於此一束也扼險據要莫過於此當日相度陰陽築城於此者未必非人傑也今果安在哉後之登此城者不知幾許人薛君而外俗傳薛禮至此果誰是與山並壽者我之至此不禁爽然失悵然悲矣回頭不住連聲問曰洞在山城何處邊也侍者導我尋歸逕盤曲林中蕭然無與而夕鴉悲鳴宛洩亡國之恨聒耳煩心以槍擊之

初三日寅食卯行順冰而下赫哲拜送於江干質樸之民王化之本百世而後當有興起於此者天時人事一困至斯身履薄冰者若不知裂聲之磔磔也四十里至都爾河傍河漁人二家僅

五人雞犬之聲殷殷如桃源入其中則深林茂密別有天地似非人間惜鐵甸僻壤人民已非留客只在林深處耳架木爲灶炊烟江坎端坐扒犁手繪草圖依然老儒生也是夜宿於喀爾庫馬計行八十里與彼族男女雜坐一屋譁然莫辨所云北地嚴寒冬則聚處一室兩坑長或數丈連鍋燒火薪省而暖富者加布幔以間之各寢其中有數十口一坑者行人至無客店亦同坑而宿供其飲食不嫌煩瑣亦不索錢太古風也蘇蘇屯半以力田爲業漁獵乃其餘利故車路尙通至瓦里和吞以下則生長皮魚江道雖平坦窄如山徑之蹊車馬竟不易行矣

初四日卯初就道寒風栗冽冷入骨髓扒犁到處冰裂有聲險哉

此行身心俱悚六十里至霍岳洛台地則猶是也人民已無矣
江冰通柳滿目荒涼日行百里恒以遇人爲奇則大荒之世當
不過是至暮宿於什替新台江道百有六十里

初五日早閱屯中廟小不容膝神爲關聖帝君伏虎像環列森嚴
威風如在異域山民多敬之另有數木偶類人形而無手足且
銳其尾謂或鑿冰物也屯人引以爲羞曰吾赫哲所事先人也
余亦笑而戲之謂誠爾祖眞像乎冬夏漁獵而食其肉衣其皮
言語番譯乃人類而未得其全者於是旋寓已時復遊屯西古
城東西長五百六十四步南北二百四十一歩有奇基址猶在
而榛蕪滿目矣午後旋而東行十里哈爾黨又五里霍吞吉林

宿有古壘在其左林中入始得見東西六十三步南北四十步形如硯旣而傍江北行疑去屯甚遠乃行不數武而屯已在前燈下赫哲數人看余書各訴私怨謂三姓德廉旗官苛於猛虎且嗟且言痛無處可以避之予書止而歎聲猶未止也遂記之比於泰山之遊

初六日午泊古北札拉台空無人烟架木爲灶以自炊爨至暮宿於突斯克未下車先量江道寬三百一十丈已復乘馬尋古城跡裂衣繞樹行約六七里猶未見之遂還抵寓方坐食聞屯民之最苦者德連也是日行百二十里

初七日自突斯克行五里至呢爾泊有數孺子跪迎於江邊余大

異之此關裏所未有也因其馴而教之安知非聖功哉惜生於絕域窮荒漁獵爲生求一飽而不敢必當道豺狼復以其愚而脔削之此孺子之生非其所蓋天地之施予未均也至午抵拉河蘇蘇越卡倫而過岸之民有奔走跋涉而來者追及予則羅拜於馬前何夷人之盡禮如此而不憚煩耶樸誠之質知識俱無可以爲王化根本者此也土人引至黑河口閱視一週旋至齊齊哈繪圖於尤氏之家遍視其屯有苦不勝言者猛虎之多雖鐵石心腸爲之一痛矣屯人送余跪祝曰君安得升斗之水活我哉余策馬向黑河至則冰堅可度而故國山河竟成依番疆域悵望久之不覺淚下俄而夕陽在山人影散亂侍者導予

歸河灘有石如玉紅而細不一色所謂肅慎之石可爲弩簇者卽是歟薄言結之以贈同人及抵寓則星月皎潔野火烈焰紅光燭天屯人之來拜於寓者如故

初八日自黑河口旋三十五里葉爾泊又五里突斯克宿於尤氏舊寓途見轍深三寸許深入草際問諸從人知爲咸豐末年禦羌時曾運礮於拉河蘇蘇有此轍然至今十八年矣雨蝕風銷厯久不磨君子曰將以待後之尋途者

初九日順冰西上六十里古北札拉台尖又六十里霍吞吉林尤氏舊寓住半途雨雪冰塌馬陷躍而出者再將抵屯扒犁到處冰水泉湧險矣哉

初十日雨雪冰道不能行乘馬登陸十五里付替新台住

十一日雪未霽整裝就道由山岡渡付替河日已晴安巴河深盈尺雪水滿途幾無下馬處六十里霍岳洛台尖午傍荒江與從者聚食於地及霍岳洛河兩大泡水深及馬腹又六十里喀爾庫馬住

十二日陰風渡赫爾戈河三十里希爾哈霍吞架木爲灶方炊遇雪及莫霍倫河雪片大如棉皮衣皆濕又八十里瓦里霍吞台住衆皆撿薪烘衣屯人仍以雞黍款賓焉

十三日冒雪行四十里蘇蘇屯住屯民服田者十數家漁獵者廿餘家稼穡之基將自此開矣